

19.  
D. D.

# APHORISMI MISCELLANEI, QUOS,

*Consent. Ampl. Facult. Phil. in Reg. ad Auram Acad.*

*MODERANTE*

# MARTINO JOHANNE WALLENIO,

*Matheseos PROFESS. REG. & ORD.*

*PRO GRADU,*

*Publico examini submittit*

*STIPENDIARIUS REGIUS*

# JOHANNES ARELIN,

*ABO - FENNO,*

*In AUDITORIO SUPERIORI, DIE XIX. MARTII*

*ANNI MDCCCLXIII.*

H. A. M. C.

---

*A B O Æ,*

*Impressit JOH. CHRISTOPH. FRENCKELL.*



## APHORISMUS I.



Signa illa artificialia, quibus res aliæ ab aliis discernuntur, & quorum in numero in primis ea sunt, quæ nomina rerum vocantur, arbitraria esse, variæ probant rationes. Ut enim alias taceam: non raro, præcipue in diversis vel linguis vel scientiis, unum idemque vocabulum aut signum rebus naturâ diversissimis respondet; sicut vicissim easdem res variis vocibus, aliisve signis, valde discrepantibus, exprimi, notissimum est. Si ex. gr. signa consideraverimus a Chemicis usitata: quis unquam dixerit, signum illud, quo aurum designant, necessario id ipsum denotare? aut quidni posset argentum vel aliud quodlibet metallum indicare? Quid? quod revera Astrono-

mis

mis Solem repræsentet. Pari modo in Arithmeticis, notæ numericæ valorem suum non ex ipsa natura sed impositione habent. Quod etjam valet de signis Mathematicis aliis, ut & vocabulis in sermone quotidiano usitatis. Quod vero ad id attinet, ejusmodi signa ipsam naturam rei exprimere, ut PLATONEM statuisse ferunt: hoc eo magis a veritate alienum est, quo certius constat, in hac imperfectione neminem mortalium, qui tamen nomina rebus imponunt, in penetralia rerum penetrasse, atque ima naturæ patefecisse.

### APHORISM. II.

Sermonem hominibus innasci, quæ EPICURI erat sententia, eruditii variis argumentis refutarunt, utpote diversitate lingvarum, exemplis infantum extra commercium hominum viventium, qui omnis sermonis expertes fuerunt, & cæteris. Quod tamen eo usque extendendum haud puto, ac si nulli hominum loquela fuisset connata. Unde enim illi ipsi, qui primi fuerunt, hanc accepissent? ab aliis discere non potuerunt, quia nulli ante ipsos existiterunt; nec ipsi videntur illam invenire posuisse, quia sic ante

debuissent callere lingvæ usum , quoniam alias non potuissent consentire in certa vocabula, certis rebus imponenda; quod insinuat progressum rationum in infinitum , qui tamen est absurdus WALL. S. M. §. 105. Hinc si jam fiat applicatio ad Parentem nostrum primum: verosimillimum fit, immediate a DEO inditum sive concreatum ei fuisse sermonem, quod etjam ipsa Scriptura Sacra haud obscure indicare videtur.

## APHOR. III.

Quod Veteres maximopere cognitionem sui ipsius commendarint, notissimum est, & quidem ita, ut etjam templo Delphico aureis litteris hæc verba inscriperint: γράπε σταύρον, eum in finem ut homines eo melius officii hujus admonerentur. Verum an recte vel minus se hoc in puncto gesserint, qui officium hoc ad solam animam restringebant, de corpore nihil solliciti, quemadmodum CICERO in *Quæst. Insc. L. I. c. 22.* id clarissimis verbis inculcat, haud difficile est judicatu. Verba ipsa Ciceroniana hæc sunt: “Præceptum Apollinis, quo monet, ut se quisque noscat, non cre-

credo, id præcipit, ut membra, aut staturam<sup>"</sup>  
 figuramque noscamus; neque nos corpora<sup>"</sup>  
 sumus, neque ego tibi dicens hoc corpori<sup>"</sup>  
 tuo dico. Quum igitur nosce te dicit, hoc<sup>"</sup>  
 dicit, nosce animum tuum. Nam corpus qui-<sup>"</sup>  
 dem quasi vas est aut aliquod animi receptacu-<sup>"</sup>  
 lum; ab animo tuo quicquid agitur, id agitur<sup>"</sup>  
 de te<sup>"</sup>. Quisque videt hanc ratiocinationem  
 ex impuro promanasse fonte, scilicet CICERO  
 & alii ejus ordinis Philosophi, quoniam lapsum  
 primorum parentum ignorabant, putarunt ani-  
 mas primum a Numine creatas, sed ob scelus  
 aliquod dejectas detrusasque in corpora velut  
 ergastula. Hinc non potuerunt non statuere  
 cum Hebræis nonnullis atque Pythagoreis, a-  
 nimum esse totum hominem, corpus vero ni-  
 hil nisi vas quoddam; quam ob caussam ad  
 illum solum Juris Naturæ præcepta retulerunt  
 omnia. Nos vero originem mali melius edo-  
 cti & saniora de partibus hominis essentialibus  
 sentientes, non possumus non hanc Ciceronia-  
 nam rejicere doctrinam & jure meritoque statue-  
 re, officium hocce ad utramq; quamvis præcipue  
 ad animam, quippe potiorem & nobiliorem, per-  
 tinere partem. A 3 §. IV.

## APHOR. IV.

Certe hæc cognitio sui ipsius, quam veteres tantopere inculcabant, etiam utilissima est. Sine hac enim cæterarum rerum omnium cognitio nobis inutilis nisi plane noxia erit. Hac destituti nescimus quid valeant humeri, quid ferre recusent. Nisi probe perspectas habuerimus animi nostri vires & infirmitates, nec eum colere possumus nec vitiis ejus medelam afferre; non honestum vitæ genus eligere nec artes & scientias nobis aliquisque utiles discere, quod tamen non minimæ est necessitatis ad vitam socialem bene transfigendam. “Non enim”, ut loquitur Cel. J. F. BUDDEUS in *Theol. Mor. p. 2. C. III. Sect. III. §. 7.* “omnes uno eodemque loco habendas esse artes atque scientias, constat. Quædam quantæ quantæ sunt, inutiles sunt, vanæ, stultæ, ad vitia hominum, superstitionem, ambitionem, voluptatem alendam, fovendam, tantum comparatae”. Et paucis interjectis: Non omnes artes & scientiæ omnibus conveniunt. Dispiciendum quid cujusque status, conditio, sexus, ætas, cum primis in-

7

genii vires permittant aut exigant". Deinde ad corpus quod attinet: nisi ejus constitutio nobis cognita fuerit, in ejus conservatione pa- rum proficiemus. Nam ex ignorantia hac pro- venit, ut s̄æpiſſime rebus utamur, ex opinio- ne nostra conservationi ejus inservituris, quæ tamen noxiæ sunt, corporisque nostri deſtru- ctionem magis, quam conservationem promo- vent. Verbo: nescimus quid DEO, quid no- bismet ipsis, quid aliis debeamus. Proinde præclarum plane est responsum ab Oraculo Delphico datum, Croesi verbis, ſcifcitantibus: in qua cognoscenda plurimum ab omnibus o- peræ ac studii eſſet collocandum, quomodo felicitas obtinenda, & quid agens, id quod ſupererat ætatis beatissime tranſigere poſſet, "non ſi maximos auri argenteique acervos ex- "ſtrueret; non ſi multos excercitus aleret; non "ſi terminos imperii ſui longe lateque profer- "ret; ſed ſi ſe ipſe cognoſceret, ita demum bea- "tum fore".

#### APHOR. V.

Varii apud eruditos proſtant modi, quibus DE-  
UM impedire potuisse malum morale existimant,  
qui tamen omnes, ſuis laborant incommodis. Ut  
jam

jam de aliis nihil dicam, certe hypothesis illa, qua  
singitur, DEUM, non creando creaturas rationales,  
peccatum impedire potuisse, non minimis est ob-  
noxia absurditatibus. Illa enim posita, non solum  
gloriae Divinae manifestatio plane nulla fuisset fu-  
tura; sed etiam sequeretur, ut DEUS, si ob malum  
morale praevisum a creando abstinuisset, majorem  
rationem habuisset improborum, qui tamen propria  
culpa pereunt, quam eorum, quos praevidit a pec-  
cando ad meliorem frugem, per gratiam Christi,  
sece recepturos. Verum in impiis cum nihil sit quod  
Ipsi placere queat, Ps. V: 5. Eph. I: 5. 6. 7. Ebr XI: 6.  
quia hi voluntati Ipsius contraria agunt & perfectio-  
nibus Ejus adversantur, pii vero eis se conformare  
nitantur: facile perspicitur nullam adfuisse caussam,  
cur impiorum majorem habuisset rationem quam pio-  
rum, & propter illos denegasset etiam his actualita-  
tem, cœlestiaque illa gaudia iis subtraxisset, quorum  
participes fiunt per Salvatorem nostrum in secula  
benedictum. Experimur etiam in œconomia DEI  
circa homines in hoc mundo, quod scilicet toleret  
impios magna longanimitate, vel obpios, per naturæ  
cursum ex iis ortum tracturos: Cujusmodi memora-  
bile satis legimus exemplum 2 Reg. XXI. Etenim si  
DEUS in ira sua vita privasset Manassem Regem  
Judæorum, qui multis magnisque peccatis Ipsum of-  
fendit, non potuisset hic in senectute poenitentiam a-  
gere, nec Nepos ejus JOSIAS actualitatem nancisci,  
qui tamen pius erat & totus se ad voluntatem

Summi Numinis componebat.

